

Վ. Առաքելյանը գտնում է, որ բառի «ինչ խնդիր լինելը պայմանավորվում է հենց այդ գործողությունն արտահայտող խնդրառու բայ-ստորոգյալի քերականական սեռով» (էջ 283)։ Բայական սեռով պայմանավորվում է խնդիրների միայն մի փոքր մասը, մյուս խնդիրները բայը պահանջում է իր իմաստի թելադրանքով։ Արսևս դրա լավագույն ասպ-ցույց կարելի է վկայակոչել այն խնդիրների օրինակը, որոնք կարող են դրվել տարբեր սեռի պատկանող բայերի հետ։

Հեղինակը երբեմն անզգույշ է իր լեզվի նկատմամբ, որի հետևանքով ստացվում են անհաջող, երբեմն անհշտություն հասնող ձևակերպումներ (օրինակ, §§ 397, 445, 582, 697)։ Նա անզգուշություն է ցուցաբերել նաև մի շարք օրինակների ընտրության հար-ցում՝ օրինաչափի հետ միասին երբեմն ներկայացնելով անօրինաչափ։

Գրախոսվող աշխատությունն իր թերություններով հանդերձ, կարելի է համարել մի ուշադրաժ ներգրում ժամանակակից հայերենի քերականագիտության մեջ։

Ս. Գ. ԱՔՐԱՀԱՄՅԱՆ

ՈՒՍՈՒՄՆԱՍԻՐՈՒԹՅՈՒՆ ԱԼ ՄՅԱՍՆԻԿՅԱՆԻ ԱՆՎԱՆ ՔԻՄԱԿԱՆ ԿՈՄԲԻՆԱՏԻ ՄԱՍԻՆ

Գիտությունների ակադեմիայի հրատարակչությամբ լույս է տեսել Կ. Ս. Կոզմյանի «Կիրո-վականի և Մյասնիկյանի անվան քիմիական կոմբինատի 25 տարին» աշխատանքը։

Գրքի սկզբում շարադրվում է գործարանի հիմնադրման ու շինարարության պատմությունը, ցույց տրվում, թե ինչպիսի մեծ դժվարությունների հաղթահարմամբ, աշխատանքային անօրինակ սխաղարծությունների զնով է ստեղծվել կոմբինատը։ Նախքան գործարանի կառուցումը սկսելը մեծ ջանքեր պահանջվեց ցիանամիդի տեխնոլոգիան ուսումնասիրելու համար։ Այդ շնորհակալ աշխատանքը պատվով կատարեցին պրոֆեսորներ՝ Պ. Փալանթարյանը, Ս. Ղամբարյանը, Ղ. Տեր-Ղազարյանը, Լ. Ռուտինյանը և ուրիշներ։ Գործարանի կառուցմանը ամենաակտիվ մաս-նակցություն ունեցան Սովետական Միության բազմաթիվ բաղադրանքի արդյունաբերական ձեռ-նարկությունների բանվորներն ու ինժեներա-տեխնիկական աշխատողները, որոնք կատարում էին քիմիկների պատվերները։ Կոմբինատի հարյուրավոր բանվորներ, ինժեներա-տեխնիկա-կան աշխատողներ արտադրական որակավորում ստացան ու մասնագիտացվեցին Սովետական Միության զանազան բաղադրանքի արդյունաբերական ձեռնարկություններում։

Գրքում ընդգծվում է այն բացառիկ հոգատարությունն ու ուշադրությունը, որ ցուցաբերել է Կոմունիստական պարտիայի և Սովետական պետության ականավոր գործիչ Ս. Որջոնիկիձեն գոր-ծարանի կառուցման ու հետագա զարգացման գործում։

Գրախոսվող գրքում ցույց է տրվում, թե ինչպես տարեց տարի ավելանում է Կիրովականի քիմիական գործարանի արտադրական կարողությունը, աճում են մարդիկ՝ արտադրության էն-ստրուկտուրան ու նորարարները, ինժեներա-տեխնիկական աշխատողները։ Գրքի հեղինակը ցույց է տալիս այն վճռական դերը, որ խաղացել են պարտիական, պրոֆմիտիթենական և կոմե-րիտական կազմակերպությունները ուսպուրիկայի սոցիալիստական ինյուստրիայի կարևորա-գույն օջախներից մեկի կառուցման գործում։

Գրքի «Գործարանի կոլեկտիվի Հայրենական Մեծ պատերազմի տարիներին» գլխում պատ-մվում է Կիրովականի և Մյասնիկյանի անվան քիմիական կոմբինատի բանվորների աշխա-տանքային անօրինակ խանդավառության մասին։ Կոմբինատի կարիքագործները պատերազմի ամբողջ ընթացքում առանց ընդմիջման կարրիդ-կալցիում էին տալիս ռազմական կարիքների համար, աշխատելով «ամեն ինչ ռազմաճակատի, ամեն ինչ հաղթանակի համար» նշանաբանով։

«Արտադրական նոր ցեխերի շինարարությունն ու գործարանի վերածումը կոմբինա-տի», «Ազոտային խմորի ցեխերի գործարկումն ու արտադրանքի նոր տեսակների թողարկումը» գլուխներում բազմակողմանիորեն լուսաբանվում է Կիրովականի քիմիագործների հաջողությու-նները հետպատերազմյան ժամանակաշրջանում։ Քիմիագործները պատվով են կատարում պար-տիայի և կառավարության դիրեկտիվները քիմիական արդյունաբերությունը ուժեղ տեմ-պերով զարգացնելու վերաբերյալ, Ռաջիոնալիզատորների ու գյուտարարների կողմից ներքին ռեզերվները ժամանակին հայտնաբերելու և օգտագործելու շնորհիվ կոմբինատը 1953 թ. ծախսերի նորմայի իջեցման հաշվին տնտեսեց կես միլիոն, իսկ 1955 թ.՝ մեկ ու կես միլիոն ռուբլի։ Կոմբինատի գոյության 25 տարում մոտ 800 հոգի մտցրել են ռաջիոնալիզատորական

5674 առաջարկ, որից արտադրության մեջ ներդրվել է 2862-ը և դրանցից ստացվել է 16.108 հազար ռուբլու օգուտ:

Կոմբինատի արտադրանքը ապահովում է ոչ միայն մեր Միութենական ռեսպուբլիկաների պահանջը, այլև նրա մի մասն արտահանվում է ժողովրդագրամոկրատական երկրներ: Կոմբինատի արտադրած թթվածնով ապահովվում է ողջ Անդրկովկասը, նաև միակ ձևափոխությունն է, որ ամոնիակային սխիտրա է մատակարարում Հայաստանին ու Ադրբեյջանին:

Գրախոսվող գրքում պատմվում է տեխնիկական ուսուցման ասպարեզում կոմբինատի կուլեկտիվի կուտակած ուսանելի փորձի մասին: Միայն վերջին 5 տարում տեխնիկական ուսուցման խմբակներում սովորելու ու իրենց արտադրական որակավորումը բարձրացրել են ավելի քան 4000 բանվորներ: Կիրովականի քիմիական կոմբինատը ոչ միայն պատրաստել է հազարավոր կադրեր քիմիական արդյունաբերության համար, այլև աճեցրել է մարդիկ, որոնք անձնվեր աշխատանք են կատարում ռեսպուբլիկայի ժողովրդական տնտեսության տարբեր ճյուղերում, սովետական և պարտիական ապարատում: Գրքում պատմվում է այն մեծ ու անշահախնդր օգնության մասին, որ ցույց են տալիս կոմբինատի ինժեներա-տեխնիկական աշխատողները ժողովրդագրամոկրատական երկրներից եկած մասնագետների արտադրական-տեխնիկական ուսուցումը կազմակերպելու ասպարեզում:

Ձինատանում քիմիական արդյունաբերության զարգացման ասպարեզում Կիրովականի քիմիական կոմբինատի խաղացած դերի մասին խոսել է ՉԺՄ արտակարգ և լիազոր դեսպան Լյու Սյաոն. «Ձեր կոմբինատը — գրքում է նա, — մեր երկրում սոցիալիստական հասարակարգ կառուցելու դործում մեծ օգնություն է աջակցություն ցույց տվել: Ձեր աշխատանքի առաջավոր փորձն ու ինտերնացիոնալիստական ոգին հրաշալի օրինակ են հանդիսանում մեր ժողովրդի համար» (էջ 163):

Գրքի Քիմիական կոմբինատը 1959—1965 թթ. զվարճ հերթական խոսում է առաջիկայում կոմբինատի արտադրական կարողության հետագա բնդլայնման միջոցառումների մասին. ինչպես հայտնի է, ՍՍՄԽ Ժողտնտեսության զարգացման 1959—1965 թթ. կոնտրոլ թվերին համապատասխան առաջիկա յոթնամյակում լուրջ զարգացում է տեսելու քիմիական արդյունաբերությունը, ծանր ինդուստրիայի այդ կարևորագույն ճյուղը, որը հնարավորություն է բնծնում առավել արդյունավետ օգտագործել երկրի բնական հարստությունները և հանդիսանում է ողջ ժողովրդական տնտեսության հետագա տեխնիկական առաջադիմության անհրաժեշտ պայմանը: Յոթնամյակում լայն զարգացում կապրի նաև ռեսպուբլիկայի քիմիական արդյունաբերությունը: Լիբովականի քիմիական կոմբինատում ամիակի և ազոտային պարարտանյութերի արտադրության հետագա բնդլայնմանը մեծ շախիվ կնպաստի եղբայրական Ադրբեյջանից ստացվող բնական գազը, որը լայն հնարավորություններ կտա օրգանական սինթեզի մի շարք կարևորագույն արտադրությունները հումքի նոր բազայի հիման վրա արժատապես վերակառուցելու և արագորեն զարգացնելու համար:

Գրքում հատուկ գուլի է նվիրված կոմբինատի բանվոր-ծառայողների նյութական բարեկեցության, կուլտուրական մակարդակի անշնդ բարձրացմանն ու ավանի բարգավաճմանը: Կոմունիստական պարտիան ու Սովետական կառավարությունը բոլոր միջոցները ձեռք են առնում, որպեսզի քիմիագործները ապրեն ունեւոր ու կուլտուրական կյանքով:

Յոթնամյակում լայն հնունկարներ են բացվում քիմիական կոմբինատի հետագա զարգացման համար: Այնտեղ արդեն այժմ կառուցվում են և մոտակա տարիներին շահագործման կհանձնրվեն մեկամիլիոն և սինթետիկ կորունդի գործարաններ, որոնք ունեն բացառիկ կարևոր նշանակություն բարձրորակ ներկերի, էլեկտրամեկտսիչ նյութերի, պլաստմասսաների համար անհրաժեշտ խեղդ ստանալու, ժամացույցի բարերի, ոսկերչական առարկաների թանկարժեք բարերի արտադրության զարգացման համար: Ժողտնտեսության արդեն միջոցառումներ է մշակել, որպեսզի մոտիկ ապագայում Կիրովականում ամիակը նույնպես ստացվի բնական գազից, այն հաշվով, որ այդ ելանյութի արտադրությունն ավելացվի ավելի քան երկու անգամ: Բնական գազի արդյունաբերական վերամշակումը և դրանից ամիակի ու ացետիլենի ստացումը իր հերթին հնարավորություն կտա կազմակերպել մի շարք նոր արժեքավոր նյութերի՝ ակրիլիտային մանրաթելի-նիտրոնի, միզանյութի և տուլիատ-ամոնիումի արտադրություն:

Առաջիկա յոթնամյակում ռեսպուբլիկայում քիմիական արտադրանքի թողարկումը ավելանալու է 3,3 անգամ: Լուրջ վերակառուցում է ապրելու նաև Կիրովականի քիմկոմբինատը, որի կուլեկտիվը ծրագրում է մոտիկ ապագայում նիտրիլաակրիլային թթվուտի բազայի վրա կազմակերպել արհեստական թելի արտադրություն: Մեր ռեսպուբլիկան առաջիկայում դառնալու է

քիմիայի ռեսպուբլիկա,— ինչպես ասել է ընկ. Ս. Թովմասյանը պարտիայի XXI համագումորում: Այս ամենը պարտավորեցնում էին հեղինակին գրքում նշանակալից տեղ հատկացնել Լիբրովականի քիմիական կոմբինատի հետագա զարգացմանը, սակայն այդ մենք չենք նկատում և գա գրախոսվող գրքի գլխավոր թևությունն է: Հեղինակը շատ մակերեսորեն է լուսաբանում այդ հարցը: Գիրքը զգալի չափով կշահեր, եթե նրա հեղինակը ավելի հանգամանորեն լուսաբաներ քիմիական արտադրության առաջավորների, նորարարների, ռացիոնալիզատորների աշխատանքի փորձը, որպեսզի այն ուսանելի օրինակ հանդիսանար ռեսպուբլիկայի քիմիագործների համար:

Կ. Ս. Կոզմոյանի «Լիբրովականի Ալ. Մյասնիկյանի անվան քիմիական կոմբինատի 25 տարին» գրքում տրված է ռեսպուբլիկայի ծանր ինդուստրիայի կարևորագույն օբյեկտներից մեկի պատմությունը նրա կառուցման սկզբից մինչև մեր օրերը, բազմակողմանիորեն վեր է հանված կոմբինատի հիանալի ինտերնացիոնալիստական կոլեկտիվի արդյունավետ աշխատանքը արտադրության տեխնիկայի կատարելագործման, աշխատանքի արտադրողականության բարձրացման ասպարեզում:

Ցանկալի է, որ այդպիսի մոնոգրաֆիկ աշխատություններ գրվեն նաև ռեսպուբլիկայի ծանր արդյունաբերության մյուս կարևոր օբյեկտների մասին:

Ա. Ա. ՀԱՐՈՒԹՅՈՒՆՅԱՆ